



21280

kat.komp.

Mag. St. Dr.

P

pater et Georgius filius.

*Norkowski Michael Memoriae aeternae*

PANEG. et VITAE

Polon. Fol.

*Nr. 1142.*











Citius mori, vel tardius, ad rem non  
pertinet: bene mori, aut male, ad rem  
pertinet: bene autem mori, est effu-  
gere male viuendi periculum.

Seneca Epist. 70.



21.280

III



MEMORIAE ÆTERNÆ  
MAGNIFICI ET GENEROSI DOMINI

D. IOANNIS RVDO  
MINA DVSIATSKI,  
TRIBUNI BRASLAVIENSIS

Anno D. M. DC. XXI. xij. Kal: Aug  
Ætatis Anno LXXVIII. Vita functj.

ET  
FILII EIVSDEM  
NOB: ET GENEROSI DOMINI

D. GEORCII S. R. M.  
AVLICI & DAPIFERI

In acie, bello Turcico, sub Chocimo  
in Valachia, pro Patria, & Rep. occisi.

Anno D. M. DC XXI. vii. Idus. Sep. Ætat. A. xxx.

INFVNERE EORVNDEN  
A. D. M. DC XXII. IX. Calend. Martij

DEDICABAT  
MICHAEL BORKOWSKI  
S. Theol. Auditor in Acad. Vilnensi.

VILNÆ in Typographia Academica S. IESV.





An  
M  
Th  
M

H  
Acc  
A  
R V  
Im  
Tun  
Q







*Reus qui nulli habet  
sua, Alimata Audi  
Potius qua huius a  
in hanc non pueri  
omnis no ipse nullo*

**T** Resnuper Diuæ : Bellona, Diana, Thalia,  
De R V D O M I N Æ I S dimicuere Tubis.  
Nostra Tuba est Bellona (inquit) Tuba nostra Diana est,  
Hæc (inquit) potius nostra, Thalia, Tuba est.  
Audijt, & Getico Mauors subrisit ab Hæmo:  
Et celeri, vocum prælia, voce scidit.  
Vestra Tuba est, Bellona, inquit, Tuba vestra, Diana est :  
Vestra, Thalia, Tuba est ; sed R V D O M I N A meus.

*est videtur magis huius  
int sono laudis huius  
mille sed constantem  
alio huius*

**C** Erne Tubas, sed cerne Tubas sine carmine Mauors :  
Nimirum lætos dedidicere sonos.  
Cerne senem, sed cerne senem sine carmine cygnum :  
Nimirum functo collachrymatur hero.  
Ipsa tam en Dominum laudare silentia possunt ;  
Atq; verecundus laude carere Pudor.  
Quid Tuba, quid noceat laudis sine carmine Cygnus t  
Dum tacet illa, sonat : dum silet iste, canit.





O B Y T  
M. D. IO ANNES  
R V D O M I N A D.

SED ILLVM  
Virtus super astra locat.

Q Vemcunq; mendax fama QVIRITIVM,  
Et dedicatis densa clientibus  
Corona, iuratisq; stipat  
Imperij comitatus armis,  
Quamvis Lacena picta superbiat <sup>picta velut Lacena sub vestis aspectu</sup>  
Sub veste tellus, & famulantium  
Iuxta lacertosæ cohortes  
Et clypeis radiant, & hastis.  
Nec peruicacis ludibrium Dæ,  
Nec concolores consilio Dolos <sup>Concolores consilio dolos</sup>  
Vitabit, aut circumsonantes  
Nobilium fugiet tumultus  
Nec concitato pectoris impetu,  
Nitente mentis Remigio, Soli  
Ignarus hæres, innatantes  
Cæruleum per inane campos  
Peruadet vnquam. quippe volubili <sup>minus volubili non pulchre videtur</sup>  
Negotiorum puluere sordida <sup>da dimittit amplexus</sup>  
Gliscente curarum tumultu <sup>gliscit curarum tumultu</sup>  
Mens humiles remoratur alas.

At



212. rubric. 1412.

At quem supernis sedibus intulit  
Mors, & prophanis præcipitem procul  
Furata terris; quò solutus  
Prepetibus R. V DOMINA pennis  
Exerrat! ohè quo per inhospitas  
Afflata leni pectora flamine  
Nubes, inaccessosq; tractus  
Et superas agit inter arces!  
Ambagiosis ille volatibus  
Præuectus vdas terrigenum domos  
Cætulq; vulgares, supernæ  
Non humilis venit hospes aulæ.  
Illum ministrâ RELIGIO manu,  
Et delicato pectoris effedol  
Euexit inconcussa VIRTUS H  
Et superis dedit ire campis.  
Exstruça quondam celsa fauentibus  
Delubra Diuis munificentia  
Pensauit auratis Deorum  
Hospitijs, famuloq; cælo.  
Hic vel corusco se propè syderum  
Curru locabit, vel propior DEO  
E nube recliuis curuli  
Sub pedibus sua fata cernet.  
Regumue toruos subter acinaces,  
Et regiarum sidera frontium,  
Et tot Tyrannorum videbit  
Suppositos radiare falces:  
Et hæc stupebit quæ propius micant  
Obscura crasso serpente núbilo,  
Lateq; casuras per vrbes  
Ora sagax oculosq; ducet.



OCCVBVIT  
G.D. GEORCIVS  
RV DOMINA

SED

Decorum est pro patria mori

QValis trifulci fulminis impetus  
Quem Dædaleis facta vaporibus  
Pinguemue pabulata terram  
Per medias rapit ira nubes,  
Fastidioso cum semel excidit  
Immurmurantium carcere nubium,  
Per regna ventorum, per auras,  
Et dubias Aquilone siluas,  
Per arua latè per iuga concito  
Grassatur igni iam capitis minor  
Aut Æmus, aut percussa Calce  
Non humiles posuere fastus.  
Interq; diras Dux equitat faces  
Communis omnes per populos Timor,  
Et pone strages, & supino  
Deproperata ruunt tumultu  
E nube Fata, non sine montium  
Clamore, longus quem glomerat fragor  
Volentis audiri ruinæ  
Et volucrum furia Notorum.

C

Talis



Talis superbis irruit hostibus  
 Mortis decoro puluere sordidus,  
 Et per Musurmannos honestam  
 Explicuit R. VDOMINA pugna.  
 Illum futuræ LAUDIS, & inclytæ  
 Mercede Famæ GLORIA mentium  
 Regina nundinata morti  
 Per medios rapuit Gelonos.  
 Quam pone VIRTUS, & DECUS, & comes  
 Iniuriæ RELLIGIO necis,  
 Per tela, per formidolosos  
 Quadrupedantū onagrorum hiatus  
 Exercitati militis, obno  
 Venale fato prostituit caput,  
 Sed visus haud venire paruo  
 Magnanimus R. VDOMINA fato  
 Nam dum duelli lætior, hostica  
 Opprobriorum murmura vindice  
 Excussat ense, barbararum -  
 - Immortuus aggeribus cohortu m  
 Præsecta tandem colla volubili  
 Lapsu reclinat. sed famulâ prope  
 DECUSq; præsignisq; VIRTUS  
 Semianimem subiêre dextra.  
 Mox expeditis corpore manibus,  
 Depræliatrix GLORIA siderum,  
 Occurrit & fuluo recliuem  
 Ire iubet super astra curru.  
 At FAMA latè tergemino Tubæ  
 Longæua cornu sæcula personat:  
 Io triumphæ, viuit Astris  
 Ille meus R. VDOMINA viuit.



AD

IOANNEM, PETRVM, &  
CHRISTOPHORVM  
RVDOMINAS DVSIATSKI &c.

**N**on satis fuit ad fortunæ acerbicatem MAG. ac  
Gene. Domini, optimo patre, per mortem no-  
quidem ei immaturam priuari, qui tam diu vi-  
xit, donec octo supra Septuaginta annorum ætate fel-  
sus, vitam hanc fragilem cum immortali commuta-  
ret: verum vobis quem immortalem esse cuperetur  
nimis acerbam nimis lucuosam: Nisi eodem prope  
tempore GEORGIUM Fratrem ad res præclare bello  
gerendas natum, cui magnæ spes patriæ, & nobilissi-  
mæ familiæ vestræ innitebantur, in Turcico bello for-  
titer pro aris & focis dimicantem amitteretis. Quod  
si eius fuisset ætas prouectior, ferendum id esset mi-  
tius, quod vel necessitas ratum esse, vel natura com-  
mune voluisset; Sed cū immatura mors iam cōces-  
sæ maturitati virtutis bellicæ inuiderit, virtutem  
interemptam doletis, mortem intempestiuam, non  
causam mortis deploratis. Ergo non potuit vnus ca-  
sus orbatam domum affligere, quin alter statim in re-  
centi vulnere feriret, vt patris mortem filij occasus  
subsequeretur. miseram sanè humanæ vitæ conditi-  
onem



onem, si quæ interdū spes in aduersis solatij relinqui-  
tur, illā oportet nouis mœroribus & lachrymis cbrui,  
ne soletur. Incerta vota! lubrica, & ludicra mor-  
taliū sortis curricula! histrio Polus ad verum dolo-  
rem imitandum, filij ossa & urnam in scenam fertur  
intulisse ipse lachrymis sordidatus pater: At domi  
vestræ, mors instar histrionis ludens tragædias, in hęc  
vitæ humanæ amphiteatro, tumbam patris, cum tū-  
ba filij ad scenam effert sepulturæ, quo quis potest  
esse dolor verior? Quare merito lachrymis omnium  
vestrum madent oculi, merito atrati squallent parie-  
tes, merito cognatorum, affinium, cæterorum ami-  
corum, qui ad hanc sumptuosi funeris pompam coho-  
nestandam pullati confluxerunt, gemitus atq; suspiria  
exaudiuntur. Coniunx enim marito charissimo, ma-  
ter item filio, Patri filij, & fratri ijdem fratres, dupli-  
ci quasi cōsternati dolore iusta persoluūt, atq; æqua-  
lem amoris dolorem reddere desiderant. Proinde ve-  
terem ego sapientissimæ Romæ secutus consuetudi-  
nem, funebri hac laudatione laudatissimo Patri ve-  
stro, necnon fortissimo fratri consecrata, dolorem  
vestrum fortassis, non mediocriter leniam. si prælatis  
maiorum vestrorū imaginibus ostendero, non deesse  
vestræ domui virtutem, non deesse fortitudinem bel-  
licam velut hæreditariam, duo scilicet pulcherrima  
nobilitatis ornamenta, quæ vosmet ipsos suomet fru-  
ctu Mag. ac Gen. Domini, in hac tristi calamitate refi-  
ciant. Fateor tamen, Familiæ vestræ multo plura in-  
esse ornamenta, vel virtutum, vel rerum benè pro  
Repub. gestarum, quàm aut à me dicendo exæquari  
possint, aut à liuido quopiam oculo videri. Summū  
quoddam fortunæ bonum esse nobilitatem, Sapien-  
tissimi post hominum memoriam censuerunt. Nobili-  
tas



litas enim est aureæ libertatis parēs, Rerum publica-  
rum custos, & propugnatrix, testis meritorum, hono-  
ris templum, diuitiarum atq̃ earum rerum, quæ in  
vita homini charissima esse solent, firmissimum do-  
micilium, splendor quidam illustris, quo supra vul-  
gus, tanquam sol ultra minora sydera, latius in patrio  
cœlo ad notitiam vniuersorum effulgemus. At qui  
necessum est illam ipsā nobilitatem cum virtute esse  
coniunctam, ijsq̃ ornamentis insignem, quæ nomini  
suo verè respondeant; alioqui cachinnos Satyricos  
ille nequaquam effugiet, qui nihil fortiter, nihil pie  
in patriam, nihil temperatè vnquam egit, solam, vt  
veteri vtar proverbio, nobilitatem in astragalis habēs  
Codro potius, quàm Spartha generosior.

*stigmata quid faciunt? quid prodest Pontice longo*

*sanguine censi?*

*Nobilitas sola est atq̃ unica virtus.*

Quapropter seclusā virtute monstrū quoddam erit,  
atq̃ portentum exitiale, ad omnem perniciosam licē-  
tiam, frena relaxans; nec laudem vllam apud æquos  
rerum æstimatores merebitur nobilitas. Præclare id,  
vt cætera, Romani comprobarunt, qui ab Arcadibus  
accepto more, Equestrem ordinem Lunæ effigiem  
in calceis gestare voluerunt, cum alias bullam aure-  
am, cordis figura, pectori appensā prætulerint. Quia  
nimirum ea nobilitas, quæ lucem a maiorum Sole ac-  
ceptam rebus virtute gestis, non reddit illustriorem,  
inconstantix subiecta aleis, in fædas flagitiorum Ecly-  
pses, cum tempore plerumq̃ pedibus proculcanda  
occidit. Secus illa, cui cordi est, bene merendo de pu-  
blico bono ampliorem indies auitis honoribus facere  
dignitatum accessionem, omni auro euadit carior. Eo  
igitur latior patet mihi campus ad laudandum a no-

D

bili



bili prosapia defunctum fœlicis recordationis IOAN-  
NEM RVDOMINAM Tribunum Braslauiensem Paren-  
tem vestrum, & simul boni Parentis, optimum Filiũ,  
vobis Fratrem, GEORGIVM, Sacræ Regiæ, Maiestatis  
Aulicum & Dapiferum, in Valachico bello nuper ere-  
ptum, quo plura lucent ornamenta propria virtutũ,  
Gloriæ & Famæ innixa maiorum, quam illi industria,  
constantia. fortitudine bellica, rebusq; strenue gestis  
pepererunt. Non commemorabo illa, quorum vetu-  
stissima extat memoria, vt Primores gentis vestræ,  
partim in aulis Magnorũ adhuc Ducum Lithuaniae,  
partim in Regum Poloniae, summa cum laude ab  
obsequijs fuerint, vt nulli motus bellici indicti, iam  
propemodum ab vno sæculo, quin RVDOMINARVM  
arma maximo fortitudinis argumento comparerent.  
Neq; ea commemoro quæ non parua sunt vere nobi-  
litis censenda indicia, Principum virorum familijs  
adscribi, communibus dignitatis, & immunitatis gau-  
dere tabellis, ijsdem illustrem & esse, & vocari insi-  
gnibus. Nonne Illustrissimorum Ducum RADIVI-  
LORVM Tubæ illæ, quibus per orbem terrarum illi  
ipsi inclaruerunt S. R. I. PRINCIPES, vestræ Ale  
Aquilinæ additæ sunt, vt perpetuo signum æternæ  
erga Domum vestram, Rej militaris obsequijs cla-  
rissimam, propensionis, quæ omni inuidia superior, ad  
Famam immortalem, de qua nulla ætas conticescat,  
exhiberent? Eos tantum recensebo gloria militari  
clarissimos viros, Regiarum cohortium in Moscho-  
uia & Liuania Ductores, atq; qui ob res fortiter fœli-  
citerq; bello gestas, honoribus, tum à Sereniss. Regi-  
bus, tum à Repub. donati & exornati, spirant adhuc  
in vobis posteris, atq; in hominum memoria viuunt  
sempiterna. THOMAS RVDOMINA Tenuta-  
rius



rius Dougialisensis, Regiæ cohortis in Moschouia præfectus, LAVRENTIVS item Capitaneus Hiberpolensis, germani Parentis vestri; quorum alter iuvenile nætatem in Regia SIGISMVNDI III. aulicus transmisit, & in Sueciam vsq; terra mariq; secutus, post modum, in Liuonia, cohortis itidem Regiæ Ductor: quanta vulnera, Patriæ amore, sustinuerint, quas hostium acies retuderint. quas ærumnas propter Rempub. tolerauerint, vnde deniq; LAVRENTIO mors secuta est, testis est Moschouia, testis Liuonia; testis Patria. Quid dicam de Parente vestro cui frequētes atrati comites vltimas persoluūt inferias? luget extinctum equestris ordo militem, Patria ciuem, Nobilitas lumen: nonne & ipse maior & valentior viribus, armis & fortiter gestis primam à maioribus acceptam illustrauit Nobilitatem? quoties in Moschouia confligit, quoties inuictō animo cū hoste congressus, campi illi ipsi illius testificabuntur magnanimitatem. Iam maturiori ætate, membrisq; alijs consenscentibus, sola virtus iuuenescere voluit, & quam gloriam armis, belloq; sibi pepererat, eandem Religione, pietateq; in Deum auctiorē esse voluit. In oppido Komæ Basilicam sumptibus non exiguis, opere lateritio construxit, facultatibus annuis dotauit, & reliquam suppellectilem, Diuinis designatam vsibus addixit, & inscripsit, adeoq; pietatis exercitamenta promouit, vt nullius prædij possessor creatus sit, quin prius à sacris, aut priuatim, aut publicè, ædibus erectis prima fundamēta auspicaretur. ratus partes viri probi ac Christiani esse, non tam vt imparet subditis, quam vt ijdem Diuini Numinis assuescāt parere mandatis & imperijs, beatiussq; longe ibi omnia cessura, vbi à Deo principium rerum omnium cape-



retur. Accedebat ad Religionem liberalitas, qua diuitiarum affluentiam, vbertatem opum, in domicilia Deo dicorum cætuum, in obsequia Reipub. in ornamenta Familix suæ, in comoda egentium partiebatur, quocirca omnibus charus, molestus nemini, eam famam liberalitatis, humanitatisq; ac reliquarū virtutum, quæ ad bene beateq; viuendi rationem, facem præmonstrant, consecutus est, quæ iure merito hæredibus & solatio sit, & incitamento. Quid quod ea animi submissio, viro seu aggenita, seu comparata fuit vt maiori animo despexerit honorum titulos, quam alij eisdem studeant adipiscendis. Tribunus in Districtu Braslauiensi fuit, idne satis? sane virtuti satis, ambitioni parum, qui momentaneis allekti huius æui circulis, vitam in continua cupiditate rotant, ijs quicquid dignitatis, & honoris addideris, non sufficit, qui vero meliorem sectantur virtutem, ij vmbrales honores, etiã dum parui sunt, metuunt, ne magnarū deuoluant præcipitium sollicitudinum, M. D. IOANNES RYDOMINA Tribunus fuit duntaxat quia voluit, maiores honorum apices non accepit, quia noluit; quid enim tanto viro deesse in virtutis, opumq; copia potuit, nisi ille sibi ipsi, ne præesset, dum nulli vult obesse, prodesse autem compluribus hac viuendi mediocritate. Sed iam ad vos festinat Oratio mea boni Patris optimam prolem, cui quia plurimum debere vos recogitatis, incredibili dolore ob mortem conflamini, atqui hæc animorum vestrorum deliquia, sūt meliora solatij præsidia. Ille quod in societate humana beatum iudicatur, sorores vestras, suas Filias optimis ad omnem pietatem, & bonam beatamq; vitam moribus à Matre optima institutas, è primaria Nobilitate viris lectissimis, qui ornamento domui vestræ esse



esse possent, dum arctissimo necessitudinis vinculo,  
vestro sanguini illigantur, feliciter omnes in matrimo-  
nium elocauit: primogenitâ in Sanctimonialium cæ-  
nobium Deo cblatâ, ubi Religiose viat transacta, ad  
sponsi æterni thalamum sanctimonialis commigravit.  
Ille vos ipsos quos Patriæ genuit, à teneris, vt aiunt,  
vnguiculis rectè viuendi præceptis, quâ in liberaliũ  
Artium Gymnasijs, quâ ad exterâs Regiones p Ger-  
maniâ, p Italiâ magnis suis sũptibus informâdos sub-  
misit: & iam probè exculpta indole hac vestra totius  
honestatis capaci; in Serenissimi Regis aulam Ma-  
gnificè tradidit. Denicq maturos Reipub. statim ad  
castra expediuit. Vere illa vestræ domui laus debe-  
tur, quam Druso Germanico bonus detulit Poëta.

*Fortes creantur fortibus, & bonis,  
est in iuuenis, est in equis patrum  
virtus, nec imbellem feroces  
Progenerant Aquilæ columbas.*

quæ semper, præsidia Reipub. fortissimos submini-  
strat viros: Fabios vos ego videor mihi videre alios,  
aut Scipiones, ad defensionem Patriæ natos. Et vt de  
singulis aliquid dicâ, quo maior laus PATRIS, cuius  
tâ præclari estis Filij elucescat. P A V L V S Fra-  
ter vester, fælicis memoriæ, in Liuania annis retro  
actis militans, dignissimus diuturniore vita Adole-  
scens obiit. Tu Mag. ac Gener. D. Dñe S. R. M.  
Aulice, & Dapifer, atq Tribune Braslauiensis, in Li-  
uania & Moschouia bellator magnam transegit æta-  
tis partem, magnam rei militaris bene gerendæ laudē  
comparasti. Tu M. ac G. D. Dñe S. R. M. Aulice  
& Secretarie, Propalatine Nouogrodensis &c. &c.  
cum nomine Paterno, Patriam æmulatus virtutem,  
proxima æstate cū DD. GEORGIO atq CHRYS-  
STOPHORO ante iam in Liuania milite, minori-  
bus

E

bus



bus natu Fratribus ad militiam profectus, cohortem  
in Valachiam lectissimæ Nobilitatis eduxisti. Vni-  
cus Frater militiæ creditus tum non erat, quem ta-  
men eodem tempore motus bellicus in Liucniam e-  
uocauit; ita omnes sago induti sanguinem pro Patria,  
pro Repub. pro aris & focis profusuri cum appreca-  
tione Patris profecti estis. In Valachia autem quam  
vberem laudum segetem, duorum mensium spatio  
collegistis, loquuntur omnium literæ, omnes vno ore  
prædicant cõmitones inter cæteros fortissimos he-  
roes virtutem vestram. Voluebatur Mensis Septem-  
bris dies septimus D. Virginis natales ferias antece-  
dens, quo maxima gloria gentis nostræ, ac prope in-  
audita fortitudinis exempla, ad memoriam posterita-  
tis sempiternam enata sunt. Stabant vtrinque centu-  
riatæ cohortes, emicabant eleuata signa, illa lunis,  
hæc crucibus decora, elidebantur machinæ bellicæ,  
solemque fumosæ nebulæ eripiebant; ita clamor cœlo  
hastæ præpilatæ fulgurant, exoritur, clamorque virū  
clangorque tubarum. Profiliunt primo Marte quater-  
na vexilla, Imperatore Illustriss. Comite IOAN-  
NE CAROLO CHODKIEWICZ Palatino Vil-  
nensi ac Supremo copiarum Duce, tot victorijs re-  
busque præclare gestis æterna dignissimo memoria: nu-  
mero longe impares, animo vero & superiores & vi-  
ctores nostrates, certatur incerta fortunâ, & euentu.  
Hostis vrget, nostri impetum & morantur & retun-  
dent, illi multitudine inualescunt, nostri ope & præ-  
sidio Dei prævalent: iam barbarus Othomanides,  
sanguinis Christiani appetentissima bellua, spe, visce-  
ra Regni Poloniæ occupauerat, sed Numine propi-  
tio tanta clade accepta propudiosè decessit arena, vt  
nusquam fortiter magis, minus vero commodè, aut  
oppugnauerit, aut pugnauerit. Sola nox tenebris di-  
remit



remit litem, nam cum nostri exigua illam exercitus  
manum, igneis hostium glandibus, missilibus, ferro  
eneruatam, & absumptam ominarentur, tandem san-  
guine, & cruore barbaro sordidati, suis, victores inco-  
lumes sunt restituti. In hoc sanctissimo pariter ac pul-  
cherrimo opere, ubi de fortunis, de vita, de libertate  
omnium nostrum agebatur, de Orthodoxa Religio-  
ne, & ut paucis rem concludam, de summa rerum  
Orbis Christiani disceptabatur, in hoc inquam pul-  
cherrimo opere tu ipse vir fortissime Dñe Propala-  
tine, vexillum tuum cum aliorum tribus explicuisti,  
cohorte tuam ordinasti, cum hostibus acriter con-  
fixisti; Consule vulnus ipsum manui inflictum (vn-  
de tibi immortalis gloriæ fructus crevit) quem te id  
temporis virum præstiteris, quo animi robore, qua  
contentione, quibus corporis viribus pugnaueris, te-  
stantur ipsi cohortis tuæ Cōmilitones, qui tua cohor-  
tatione, tuo exemplo incensi, laudem maximā in illa  
pugna sunt adepti. CHRISTOPHORVM  
Fratrem non incruentum ex acie redire conspexisti;  
decem præstantissimos athletas tuo vexillo occubu-  
isse indoluisti; GEORGIVM Fratrem singu-  
lari virtute, omnibusq; ad res bellicas ab ipsa natura  
comparatum dotibus, in acie mortem decoram ope-  
tuisse dolens audiuisti; & tanquam alter pius Æneas  
paterno prorsus affectu, lachrymas amoris supra  
hunc Pallantem tuum effudisti.

*o dolor atq; decus magnum rediture parenti,  
Hæc te prima dies bello dedit, hæc eadem aufert,  
Tu tamen ingentes Turcarum linquis acervos.*

o GEORGI Frater optime, ita Tyrocinium mi-  
litæ tuæ morte veterani militis cito conclusisti?

*Haud ignarus eram, quantum nova gloria in armis  
Et prædulce decus, primo certamine possent.*

E2

Vos



Vos ego Valachorum agri, hostileſq; manus, teſtes  
eius fortitudinis in hac pugna, vos etiã cohortes atq;  
Comilitones appello, qui GEORGII RVDO-  
MINÆ animi fortitudinem eximiam, alacritatemq;  
in illo conflictu admirabili vidiftis, quando incredi-  
bili ardore, omniq; viriũ contentione in illud tot milliũ  
armatorum chaos, Curtio ſimilis, equo concitato ir-  
ruit, credebat non alia re hiatum tantum, qui vniuer-  
ſæ patriæ iam iam interitum minabatur, quam illa  
tantummodo, qua equites noſtri plurimum valerent,  
virtute videlicet bellica, armis, cędibus, vulneribus,  
ſanguine, atq; ipſa demum vita compleri potuiſſe. Ille  
P. Decij egregiam æmulatus audaciam, caput ſuum  
pro ſalute, vita, incolumitate Reipub. deuouit, atq;  
protinus in medium hoſtiũ vix numerabilium agmẽ,  
Patriæ ſuę ſalutem, ſibi mortem quæ ſiturus irrupit,  
factaq; notabili in hoſtibus ſtrage, plurimis conſoſſus  
vulneribus, in ipſa victoria & animi, & generis nobiliſ-  
ſimus Adoleſcens ſupercorruit, vt corpore ſuo viam  
in caſtra noſtra (quæ cæco impetu toties Tyrannus  
Chriſtiani ſanguinis ſitiẽtiſſimus fruſtra oppugnauit)  
hoſtium legionibus, vel retardaret vel præcluderet.  
Fortunata mors, quæ naturæ debita, pro Patria eſt  
potiſſimum reddita; te ego verè Patriæ natum GE-  
ORGI RVDOMINA iudico, qui dulce & decorum p  
Patria mori non dubitaſti. Tu miles Patriæ, iugulo  
& ſanguine, iam iã lapſanti ſubueniſti, tu miles Chri-  
ſtianus Religionis & Crucis amator, pro Fide, Re-  
ligione, Cruce pulcherrimam animam poſuiſti. Be-  
ata illa pugnæ alea, quæ tali morte concluſa eſt, be-  
ata mors quæ immortalis vitæ principium dedit. Hoc  
tuum Virtutis opus nulla vnquam obliuione eorum  
qui nunc ſunt, nec reticentia poſteriorum ſepeliri vn-  
quam poterit. Erigentur tibi ſtatux, erigentur arcus  
Trium-



Triumphales, Trophæa excitabuntur fortissime  
**GEORGI RVDOMINA**, simulq̃ omni-  
bus fortissimis tuis Cōmilitonibus, qui vnā tecum  
sanctissime occubuerunt: quæ quidem, non dico,  
paria sint meritis vestris in Patriā, sed eorum partē  
aliquam adumbrent. Faciet spero grata Patria, faciet  
nobilissima Familia tua, tuo sanguine, tua morte  
multum ornata, faciet Respub. vniuersa sui defen-  
soribus, q̃ Regina Artemisia Mausolo coniugi suo  
fecit; cui exiguum visum est ad testandum amorem  
suum erga demortuum Maritum Regem, exædifi-  
casse Magnificentissimum monumentum, vnum se-  
ptem Orbis miraculorum; parum amplissima pro-  
ponere Oratoribus, Historicis, & Poëtis præmia, qui  
coniugis sui laudes pleniori, vt aiunt, ore celebrarēt;  
nisi etiam delibutos odoribus, & infusos aqua Ma-  
riti cineres in sua viscera condidisset. Seruabit pro-  
fecto memoriam tui non domus tua tantum, sed Pa-  
tria vniuersa, vna cum ijs qui tantæ gloriæ tibi comi-  
tes fuerunt, in corde suo, atq̃ in visceribus amorem  
vestri, ad exemplum posteritatis Respub. tumula-  
bit: præter ea quæ virtuti debentur solita monumē-  
ta: nec vlli futuri sunt Historiarum scriptores, Ora-  
tores, & vates, qui vbi ad Chocimense cum Turcis  
prælium VII. Idus Septemb. ventum erit, cum  
illis magnis nominibus, quorum recolent memoriā,  
**GEORGIUM RVDOMINAM** omnibus genti-  
bus atq̃ sæculis non honorifice proponant legendum,  
qui non commemorent vestra vulnera, vestrum effu-  
sum ibidem sanguinem, duo Generosissimi Fratres  
**IOANNES** atq̃ **CHRISTOPHORE RVDOMINA**: qui silentio prætereant Parentem vestrum  
quintales Reipub. genuit filios: Restat Mag. atq̃  
Gen. Dñi. quoniam præclarè cum Parente vestro,

F

præ-



præclare etiam cum Fratre Diuina prouidentia, ac voluntate actum est, ut in mœrore locus solatij tribuatur. Ille enim præterquam, quod satis siue ad gloriam, siue ad facultates vobis comparandas, siue ad eam sælicitatem quam ex sobole atq; nepotibus Parentes percipere desiderant, Magno naturæ, magno fortunæ vsus beneficio, ita vixit, ut sperandum sit, quem tot virtutibus laudatum nouimus, quem supremo die Diuinis Sacramentis ritu Catholico expiatum scimus, qui testamento legatis, ad omnes ferme, quotquot commorantur Vilnæ, Religiosas Familias, ad multa templa, pijs largitionibus, tot Orationes tot sacrificia sibi pie mercatus est, eū recepisse iam præmium virtutum ac rectè factorum, in illa Beatorū Patria, quò sua quemq; virtus attollit; Vobis Matrem, Vos Matris orbitati solatium & præsidium relinquens. Hic licet parum vixisse credatur, si ætas annorum triginta spectetur, tamen quia breuitatem vitæ, immortalis virtute, & gloriæ diuturnitate compensauit, tam ob alias dignas Christiano homine virtutes dum viueret, quam ob hanc gloriosam mortem cui pridem quasi præscijs optime sese tum salutaribus Mysterijs Ecclesiæ, tum pijs **DIVÆ ANNUNTIATÆ** Vilnensis Congregationis, sub cuius patrecinio studiosus militauerat, legatis comparauit, cœlo maturus est iudicatus.

Dixi.



ÆTER -



ÆTERNA MEMORIA  
PATRIS NATIQ.  
MANIBVS.

**N**on purulentis oblita sordibus  
Edax VETUSTAS his penetralibus  
Latè superbit, sed perenni  
Mnemosyne solio recumbit.

Vitæ rependit præmia traducis,  
Asprisq; soluit pensa laboribus,  
Et quas frequentato dolore  
Indigenæ meruere palmas.  
Pacatus arces iam Genitor capit,  
Quas, destinato limite, laurea  
Pax sæpsit, & confasciauit  
Turrisferos apices oliua  
Hic pessusato vox vlulantium  
Inhæret anro, nulla penatium  
Lamenta, nec tanto profusi  
Hospitio gemitus reclinant.  
Ciues eburnis aurea barbitis,  
Lusuq; mulcent sidera, pars choris  
Indulget æternis, sonantes  
Pars cytharas digitis pererrat.  
Ales triumphos sic Palamedia  
Gyrat, gelatæ quando hyemis rigor  
Discedit, & sese ligustris  
Prata superbificis colorant.



Æthram stupentem tunc modulatibus  
 Ille fat, illi silua sequacibus  
 Conis remugit, duplicesq;  
 Vnum opus accumulans lepores.  
 Patri iugatis gressibus, additur  
 Comes serenus Filius, Isthmij  
 Nusquam triumphator palæstris  
 Vulnere nobiliore fulsit.  
 Depurpurati vulnera corporis  
 Ostentat ardens, hos Othomanicæ  
 Inquit farissæ permearunt  
 Funeris impavidos lacertos.  
 Hæc ignearum fulmina glandium  
 Circum fremebant pectora, sæpius  
 Athlera lunatas phalanges  
 Elicui metuendus hasta.  
 Volente donec Numine, tragulâ.  
 Scrutatur artus Thrax truculentior,  
 Lassumq; tot palmis paratis  
 Puluere funereo supinat.  
 Amore fossas, Numinis, & CRVCIS,  
 Nunc pando plagas, quis melioribus  
 Pugnavit armis, clariores  
 Aut tulit exuvias reuersus.  
 Non sarcinata pelle Lybistidis  
 Incingor vrsæ, non Nemeio  
 Leone, quem, victor subegit  
 Amphytrionides in aruo.  
 Crux velat armos. sideris æmula  
 Crux, glorioso vertice fulgurat:  
 Æterna, susceptos labores,  
 Mnemosyne, Cruce muneratur. (PA-



PARAENESIS  
PARENTIS AD FILIOS.

**H**Æres paterni sanguinis, inclito  
Frustra tumeſcit ſtemmate, Patrias  
Ni muniat ceras auita  
Indole, magnificiſq; factis,  
Si quid Parentis mortua vox poteſt,  
Cœli, per altas, non penetrabilis  
Conſtanter eluctata moles,  
Marmoribus tumuli refractis;  
Audite Nati, Martia peſtora,  
Voces Paternas, quos pietas mea  
Virtutis hæredes, ſimulq;  
Cura facit Dominos bonorum.  
Cultus Tonantis NVMINIS; & FIDES  
Albata CHRISTI ſanguine, in intimis  
Viuat medullis; & recenti  
Euireat PIETAS colore,  
Examinatâ IUSTITIES librâ  
Sensus gubernet; ſupplicet vtile  
Quoduis honeſto, hinc, hinc, decori  
Ocuius exiliunt honores.  
Vicina Magno PATRIA NVMINI,  
Intaminatis creſcat amoribus:  
Inglorius nemo reuulſit,  
Pro laribus iugulum, paternis.  
Scribuntur Aſtris facia loquacibus  
Iſthæc virorum; non cineres pauet  
Infraſcia Virtus, nec iugantur  
Terribiles animi ſepulchris. (EPI-

G



EPINICIUM VICTORIS.

**T**Ormenta diri fulminis æmula,  
Clangor tubarum, murmura tympani,  
Bellantium clamor virorum,  
Et fragor, & gemitus cadentium  
Obtundit aures: ne lachrymabilem  
Lectum, querelas neu miserabiles  
Vir audiat, cæsus libenter,  
Victima pro patriæ salute.  
Non vult doleri flebilibus modis,  
Campos patentes sanguine proprio  
Qui decoloravit, cruentum  
Laudis amore petendo fatum.  
Compesce luctum; tristitiam, Notis  
Portare, tradas, in mare Balthicum  
Frater; dolorem, temperato,  
Mæsta parens, animo retunde.  
Vixisse longum est: pro patrijs focis,  
Pro Rege, & aris, qui potuit mori,  
Vernans iuventus sic perempta,  
Est niuibz potior senectæ.  
Non vsitatis clarus ad oreis,  
Iam Dædaleo celsior alite,  
Penna ferat famæ perennis  
Longius, inuidiaq; maior.  
Me sera libris posteritas leget;  
Mortis decoræ post obitum mihi,  
Reclusa donantur, beatæ,  
Emerito, Prytanæa vitæ.







Magnus nos in vita charorum, nu-  
merus expectat auorum, fratrum,  
patruorum; iam de sua immor-  
talitate securi de nostra solliciti.

Cyprianus serm. de mortalit.



DIGNOS LAVDE  
VIROS FAMA VETAT  
MORI.

**L**abentis æui nemo fugacia  
Dispensat exlex stamina, quemlibet  
Fatalis Atropos laceffit,  
Et rigidum ciet ad tribunal.

Annosa seu te præcipitet dies,  
Seu prima vernet gratia temporis,  
Trudet sub æquales procellas  
Prensa freto ratis, abnuentem.

Fusos aceruos sæpè Proserpina  
Vno reliquit cuspidis impetu,  
Teloq; vibrato pauenda  
Abdit humi iuvenes, senesq;.

En vt seuera vel modo dexterâ  
Tumultuosos, aggerat impetus,  
Et R. VDOMINAR. VM sepulchra  
Agglomerat Patriâ dolente.

Nunc in IOANNEM tor sit acinacem  
Canæ senectæ deproperans decus,  
Nunc in GEORGIVM resæuit  
Progeniem generosiozem.

O lachrymarum refluua flumina,  
Lux vna binum dat tumulo iubar,  
Patremq; Filiumq; nexu  
Vrna rapax sociat perenni.

Vterq;



Vterq̃ fixâ lege coercitus  
 Decreta summi iudicis audiit,  
 Hic flore pullulante, canâ  
 Ille genas inarante rugâ.  
 Vtrumq̃ Virtus sed tamen enthea  
 Æternat, ætas postera debitum  
 Vtriq̃ MARMOR pollicetur,  
 Et memores Patriæ colloßos.  
 Dicit IOANNIS pectus aheneum,  
 In peruelies cum rueret greges,  
 Moschumq̃ fudit fraudulentum  
 Ense metens, animosus Hector.  
 Dicit GEORGI martia spicula,  
 Dextræq̃ robur vindicis arduum.  
 Qui PATRIS æmulus, decorum  
 Triuit iter celerante plantâ.  
 Formidolosus cum furor vndiq̃  
 Exæstualet Bistonij Ducis,  
 Turcæq̃ lunatæ phalanges  
 In Lechicos ruerent penates,  
 Cordatus heros non tulit impias  
 Errare turbas, acer in hosticos  
 Illapsus assultus, cruoris  
 Imbre facies Patriæ repressit.  
 O digna pennâ pectora præpete,  
 Vobis Nepotum collachrymatio,  
 Bustisq̃ debetur relictis  
 Fama, decus, resonæq̃ voces.

Ioannes Biegański.

NVLLA



## NVLLA EST SVPERÆ VIOLENTIA LEGI.

**P**ande fores laehr ymis, mæsti Dolor intime cordis.  
Funereo Luctus proluat amne genas.  
Vna dies Patrem tumulat, Natumq; recondit,  
Et Pater, & Natus, iurè dolendus erit.  
Ille Pater moritur, soboli qui perpete famâ  
Factisq; ostendit nobile laudis iter.  
Qui monitu facili, dictisq; sequacibus, vno  
Quærere Virtutum iussit amore vias.  
Diuitijs pollens, sanctioq; potentior auro,  
Æterno fecit surgere templa Deo,  
Ceratis toties tabulis, & fascibus hostis,  
Bullatas vidui spreuit honoris opes.  
Sola cathenatos Virtus quæ ducit honores,  
Nexibus adiunxit pectora iusta suis.  
Non leuis Ambitio, & mendaci perlita fuco  
Gloria, magnificos traxit ad ima sinus.  
Ignes Religio longæuis prætulit annis,  
Et quicquid Probitas iugis amare docet.  
Nec Genitore minor soboles pro sede Paternâ  
Purpureis tinxit membra strategus aquis.  
Bellator petijt generosa GEORGIVS arma,  
Hannibal infra cto robore, Marte Milo.  
Hem vix Threijcias ferrum contorsit in Hydras,  
Dum capita ense petit, saucius ense cadit.  
Ah quantus rueret per Moschica prælia miles,  
Qualiter aut celeres funderet iste Getas.

B


In



In Gothicos iret quantâ ceruice Leones,  
Seruaret Patriæ si fera Parca Virum.  
Martia Maiorum spectaret turba Nepotem  
Antiquis palmas accumulare nouas.  
THOMAS ille foret, Patrie, LAVRENTIVS alter,  
Qui Patrium auxerunt Marte fauente decus.  
State pię lachrymæ, Patrem, Natumq; dolemus;  
Verum tristitiæ, debet inesse modus.  
Diphthera quod cœli æterno conclusit ab æuo,  
Mergere decretum lachryma nulla potest.

---

Chrisostomus Mieleſzko.



FOR -



FOR TES BONIQ;  
PERENNANT.

Q Vid trux, superbo, transigis Atropos  
Festum, triumpho, lætitiæ diem?  
Cur arrogantes, fastuosos  
Das manibus, pedibusq; plausus?  
Ergone tantum, liuida, gaudij,  
Amœniori pectore concipis,  
Vim Lithalorum R. VDOMINAS  
Fatiferâ cecidisse falce?  
Durat caducum nil stabili pede,  
Ast vsitato labitur impetu:  
Mortalis æui, sorte versat  
Ambiguâ Nemesis volumen.  
Semel (fatemur) funeris omnibus  
Trames terendus; serius, otius,  
Omnes ad vnam puluerantis  
Persephones, properamus vnam;  
Verum virorum, nescia fortium  
Virtus, recondi mortiferâ specu,  
Æternitatis degit annos,  
Perpetuâ coliturq; Famâ.  
Viuir IOANNES, viuir & inclitus  
Contemperatâ laude GEORGIUS,  
Et laureatas ambo palmas  
Empyreis referunt in oris.  
Hic, pro Tonantis NUMINE Maximo,  
Et Christiani nomine dogmatis,  
Pro Patriâ, Regisq; vitâ,  
Armifonum coluit Graduum.



Formidolosos, pectore Martio,  
Risit furentis Massagetæ globos,  
Et contumaces Caucanorum  
Messuit impavidus cohortes.  
Depurpurantem sanguine Turcico  
Campus liquorem Valachicus bibit;  
Podoliarum fæta tellus  
Tartarico tumuit cruore.  
Maturus ævo, Nestoreo Parens,  
Virtutis astro fulsit amabili:  
Lumen Mineruæ, fama Phæbi,  
Religionis Athlas Quirinæ.  
Vterq; dignus perpete Gloriâ,  
Vterq; dignus Cælicolûm throno,  
Vterq; dignus sempiterno,  
Colloquio Triadis potiri.

---

Petrus Biegański.



SERA



## SERA NEPOTIBVS CVRA.

**H**æccine, prò Superi, serorum cura Nepotum?

Hæccine, promissi vota secunda, senis?

Vno eodemq; die, longis & Auunculus annis

Dignior, & grandi funere, fertur Auus.

Cæca feroxq; simul, crudelis, & improba Parca,

Vel solum, scelus est grande, tulisse senem.

Parcere debueras; longis vt Auunculus annis

Cresceret, & grandi, grandior esset Auo.

*Casimirus Korfak.*

## SILERE NESCIA Pallas sociata Gradiuo.

**M**aturus, pleniscq; senex, iam fertilis annis

Extremum læto clauserat ore diem.

Lætior inferèa Lachesis prorupit ab æde,

Et vixisse bonum, sparsit in vire, senem:

Non tulit inuidiam facti, indignata Minerua,

Iussit & in medio hæc verba tonare foro:

Scilicet hic moritur, caros qui Palladi Alumnos,

Qui Natos vobis, Martia Castra, dedit!

Ne metuas, viux, RVDOMINA, silentia, Famæ,

Nec Mars, nec Psaltrix Musa silere potest.

*Fabianus Korfak.*

## TRICIPITIS INVITA FAVCE.

**Q**uos cernis reduces LITVOS, prænobile stemma;

Est Othomanigenis nobile digma plagis.

Vidit, & inuidit veratrix perfida, LVNA,

(Dum creperâ streperent, prælia dira manu)

In RVDOMINEIS decus hoc splēdescere dextris

Et rapere innumeris, ausa Cruenta, dolis.

C

Marte



Marte ferox, contrà, dextraq̃ GEORGIVS acri  
Obstat, & in pulchram proruit vltro necem.  
Hoc Patriæ (moriens inquit) deducite pignus.  
Non tetigit nostras Turcica LVNA TVBAS

*Hieronymus Korsak,*

## PATRVO MAGNO. SENI LONGÆVO.

**M**e miserum, cui sors sanctæ laudata senectæ,  
Non siccat madidas, laude fauente, genas.  
Hi non culpam tollunt sine crimine vitam;  
Hi memorant largas, in pia pensa, manus.  
Longa perennati numerant hi lustra Parentis;  
Innumeros, gaudent hi superasse, senes.  
Sat Famæ vixisse ferunt, Patriæq̃, sibiq̃,  
Vnaq̃ concordî, vox stat in ore, SATIS.  
Sit super, atq̃ satis, quod Te vixisse putatur  
Si SATIS est alijs. At mihi, crede PARVM.

*Thomas Rudomina.*

## A LIBI LOQVOR.

**V**ix Othomanigenâ succisum falce cadaver,  
Fraterna, in Patrios, cura reduxit, agros.  
Parua salutatum, concurrit turba Nepotum,  
Cœperat & bleso quærere multa sono:  
Sensit vbi mutum, nec respondere paratum,  
In lachrymas sic est, mœsta soluta, cohors.  
Heu nos! heu! inquit, Quis Patruæ nostræ reuifis  
Testa? Vbi Vox, casto, plena lepore manet?  
Non fileo, non, inquit, ego. Vox lapsa per auras;  
Totâ in Valachicis nostrâ loquela plagis.

*Petrus Rudomina.*

FATI



F A T I.

Inexorabilem necessitatem si con-  
templari uis hoc MARMOR intueri  
Viator.

IOANNES RYDOMINA  
D V S I A T S K I

ter quina vitæ tranquillæ cimensus  
lustra mori hic voluit sed nō potuit

N A M

V I R T V S

Constanti suo cultori

Ob

egregiam in Numen (templis erectis expressam) Pie-  
tatem. in prosperis & aduersis Æquanimitatem. in re-  
bus agendis Prudentiam. in summos & infimos  
æquitatem. æuo perenni duraturum.

Mnemosinon defigit.

P A T R I A

quam ille

adolescens, sub Polock, Vla, & Pskow, STEPHANO  
Rege imperante, Martia dextra protexit. Vir opibus

C 2

auxit.



auxit. Grandævus maturo consilio direxit.  
Tribunitiæ dignitatis æuiternum  
Surrigit COLLOSSVM.

## SERI NEPOTES

Amoris, obseruantia, doloris, desi-  
derij, lachrymarum, imbre irro-  
rum statuunt saxum.

Deniq  
Probi Amico, Clientes Mecenati, Omnes Viro Optimo,  
desideratas Pyramides relinquunt.

## SIC ILLE

Occumbens assurgit, moriens viuit, tumulo abditus  
Orti proponitur spectandus.

## TV

Seu ætate flores, seu vir es, seu Nestoris numeras dies,  
habes hic quem moribus  
& vitæ integritate  
adumbres.





VT

VIRVM

Sera posteritas loquatur,

ASTRÆA, PALLAS, ET MARS  
adlaborat.

Nihil hic cineri doloſo iniurioſa dabit obliuio: perenne  
entheæ virtutis, Famæ, Gloriæ, exuſcitatur

MARMOR.

GEORGIVS

RVDOMINA DVSIATSKI

Numini, Patriæ. Suis, Sibi, vixit.  
cuius

Primordia naſcentis æui, virtute ardua inſtruxit

ASTRÆA.

Incrementa florentis ætatis, ſcientiâ ſolidâ imbuit

PALLAS.

Viuacis iuuentę animoſū peçtus, fortitudine reborauit

MAVORS.

his ille præſidiis munitus,

Curia REGALIS digniſſimus DAPIFER inſignitus

D

MDVM



D V M

in VALACHIA. (imperij habenas moderante  
SIGISMUNDO III.) fatalem Ottomanici furo-  
ris ensē a iugulo patriæ strenuē amoliri contendit :

D V M.

Scythicis iaculis imperterritum pe-  
ctus vltro obtrudit, gloriosus heros

in patenti occumbens campo. collaudante Principe  
VLADISLAO, approbātē Duce CAROLO CHOD-  
KIEWICZ, ad stipulante Martia cohorte ;

DVLCE ESSE ET DECORVM  
PRO PATRIA MORI

est attestatus.

hæc dum videt

ASTRÆA, PALLAS, ET MARS,

Suūm alumnū

adamante duraturo inaratum viuere volunt.

TV VIATOR

Vt mortali morienti illachryma. vt forti Viro egregiē  
occumbenti applaude. vt inuictō patriæ propugnatori  
gloriosē triumphanti  
aggratulare.

BIBLIOTH. UNIV.



JAGIELLOŃSKIE

Icannes Biegańskj.

